



**NOTA ENTENDIMENTU ENTRE**

**CONSELHO DE IMPRENSA DE TIMOR-LESTE  
HO  
TIMOR-LESTE PRESS UNION**

**NÚ: NE01/CI-TLPU/VI/2020  
NÚ: 02 /TLPU-CI/VI/2020**

**KONA-BA FORTELESIMENTU INSTITUSIONAL NO DEZENVOLVIMENTU  
KOMPÉTENSIA PROFISIONAL, TEKNIKU NO INTELEKTUÁL JORNALISTA**

Conselho de Imprensa iha objetivu prinsipál atu promove liberdade expresaun no imprensa inklui asegura atividade jornalística ho profesionalismu nomós respeito diak liu tan padraun étika no qualidade.

Timor-Leste Press Union (TLPU) hanesan Assosiasaun jornalista atu desenvolve kapasidade, kria metudu kontrola sosial ida di'ak no akuntabel hodi partisipa iha prosésu demokrasia no desenvolvimento nasional.

Nota entendeimentu ida ne'e mai hosi nesesidade atu artikula asaun balun hamutuk entre Conselho de Imprensa de Timor-Leste ho Timor-Leste Press Union ne'ebé iha espirtu hanesan atu promove liberdade imprensa no liberdade expresaun no asegura publiku nia diretu ba hetan informasaun ne'ebé los no lolos hosi jornalista sira liu hosi mídia profesionál sira.

Kaer metin ba prinsipiu hirak ne'e parte rua konkorda no desidi hamutuk liu hosi forma entendimentu atu promove misaun hodi fo benefisiu ba malu liu hosi desenvolve kapasidade teknika no kapasidade profesionál iha área jurnalizmu hodi kumpri kode étika jurnalizmu no garantia nafatin liberdade imprensa no liberdade expresaun iha Timor-Leste.

Parte Conselho de Imprensa de Timor-Leste (CI) representa hosi Prezidenti, Virgílio da Silva Guterres, ne'ebé tuir mai bolu nu'udar parte primeiru.

Parte Timor-Leste Press Union (TLPU), representa hosi Prezidente, Manuel Pinto, ne'ebé bolu nu'udar parte segundu.

Parte rua konkorda hodi kria no asina Nota intendimentu ida-ne'e ho artigu sira hanesan tuir mai:

*Virgílio da Silva Guterres*

*Manuel Pinto*

## **Artigu 1.º**

### **Objetu**

Promove relasaun ba kooperasaun entre Conselho de Imprensa Timor Leste ho Timor-Leste Press Union atu bele garante diak liu tan jornalista sira nia direitu no dever hodi hala'o servisu ho profesionál, kumpri kode étika jornalista no lei komunikasaun sosiál.

## **Artigu 2.º**

### **Objetivu**

- 1) Garantia direitu no fo protesaun ba jornalista sira tuir lei komunikasaun sosiál no Regulamentu sira Conselho de Imprensa de Timor-Leste nian.
- 2) Buka forma ba desenvolve atividade conjunta no promove objetivu hosi instituisaun rua tuir interese kooperasaun nian.
- 3) Desenvolve kapasidade profesionál no intelektuál Jornalista sira.

## **Artigu 3.º**

### **Âmbitu Kooperasaun**

- 1) Fasilita no apoiu ba jornalista ou membrus TLPU hirak ne'ebé persija apoiu protesaun juridiku.
- 2) Formasaun ba jornalista kona-ba kode étika jurnalizmu nomós aumenta sira ninia koñesimentu kona-ba lei komunikasaun sosiál no regulamentu sira Conselho de Imprensa nian ka lei hirak ne'ebé regula atividade jornalítika.
- 3) Organiza Membrus TLPU sira partisipa iha atividade ne'ebé CI organiza relaciona ho knar jurnalizmu.

## **Artigu 4.º**

### **Responsabilidade Conselho de Imprensa**

- 1) Desenvolve Programa kapasitasaun ba jornalista ou membrus TLPU sira.
- 2) Prepara nesiedade teknika no rekursus umanus hodi fasilita programa kapasitasaun no sensebilizaun kona-ba lei komunikasaun sosiál no regulamentu sira CI nian ba jornalista ou membrus TLPU sira.
- 3) Garantia Jornalista ou membru TLPU atu iha koñesimentu teknika no koñesimentu profesionál hodi hala'o sira ninia knar.

## **Artigu 5.º**

### **Responsabilidade Timor-Leste Press Union**

- 1) Proteze jornalista sira nia dever no direitu wainhira hala'o knar jurnalizmu.
- 2) TLPU tenke kria programa kapasitasaun hodi proteze jornalista sira hosi risku legál.
- 3) TLPU tenke garantia jornalista ou membrus TLPU sira hodi kumpri kode étika jornalística no hakruk ba lei komunikasaun sosiál tuir konsituisaun haruka.
- 4) Garantia jornalista ou membrus TLPU sira atu partisipa iha programa ne'ebé organiza hosi Conselho de Imprensa no Timor-Leste Press Union.

## **Artigu 6.º**

### **Sijflu**

Parte rua konkorda atu asegura data segredu, dokumentasaun ou nota balun ne'ebe merese atu proteze ninia segredu tuir lei ne'ebé iha.

**Artigu 7.<sup>0</sup>**  
**Finansiamentu**

Kualker taxa ne'ebé relasiona ho nota intendementu ne'e parte rua sei responsabiliza hotu tuir proporsionál.

**Artigu 8.<sup>0</sup>**  
**Rezolusaun ba litígius**

- 1) Parte rua konkorda katak kualker litígiu ne'ebé mosu tamba diferensias interpretasaun kona-ba implementasaun nota intendementu ne'e, sei resolve liu husi diskusaun hodi bele hetan konsensu.
- 2) Parte ida ne'ebé sente prejudika tenke haruka karta eskrita ba parte seluk hodi bele buka ninia solusaun bazeia ba data no faktus ne'ebé iha.

**Artigu 9.<sup>0</sup>**  
**Prazu validade akordu ne'e**

- 1) Prazu validade husi nota intendimentu ida-ne'e mak ba tinan 4 (hat), hahú nota intendimentu ida-ne'e asina hamutuk, no renova automatiku.
- 2) Nota intendimentu ida-ne'e sei remata nia validade, bainhira parte ida haruka atu hakotu akordu ou wainhira estabelese ona nota intendimentu foun.

**Artigu 10.<sup>0</sup>**  
**Akordu seluk no tranzisaun**

- 1) Nota intendimentu ida-ne'e sei bele altera depende konkordansia husi parte rua.
- 2) Dokumentu kona-ba nota intendimentu ida-nee, asina mós hosi Prezidente Conselho de Imprensa de Timor-Leste no Prezidente Timor-Leste Press Union.

**Artigu 11.<sup>0</sup>**  
**Duplikasaun Dokumentus**

Dokumentu ne'e iha exemplar rua, no kada ida-idak vale hanesan orijinal, parte sira sei asina hamutuk, husi parte rua ne'e, kada exemplar ida, tenke entrega kedas ba iha ema ida-idak.

Dili, 27 Juñu 2020

**PARTE DAHULUK**

  
Virgílio da Silva Guterres  
Prezidente CI

**PARTE DARUAK**

  
Manuel Pinto  
Prezidente TLP